

## 2 Timoteo

Mamabuinore coyuiyebu Pablo bácu ùi toivaicōjeiye báquede yóbocayoca paperayocare Timoteo bácu. Pablo bácu judíovacacu bácuvacari, Jesús ùi yávaiye méne beorí coyucōjeimu marejaquémavu, соууууу ùi yávaiye méne judíova ànevare, judíova ne ju abe boje ùi coyuiyede. Lucas bácu coyurejaquemavu Pablo bácu borore Hch 7:57-8:1, 9:1-31, 13:1-28:31, aru Timoteo bácu borore Hch 16:1-3, 17:13-16, 18:5, 19:22, 20:4. Caiye apoyoca doce paiyoca Pablo bácu toivaicōjeiyoca ùre toivacaipōecu bácu ùi paperayoca curiyocare Majepacu Jūmenijicui yávaiye mamaene coyuitucubo jívui javede toivaicōjenejaquemavu ùi toivaicōjeiquiyede jipocare diyoca ùi buojaiyocare. Pablo bácu coyurejaquemavu ùre toivacaipōecu bácu aipe ùi toivacaquiyé báquede diyocare. Toivaicōjenejaquemavu diyocare àniñju bácarōre 64 d.C., ùi cuede àmeina teivure jēni jacoñami Roma àmicuriimaroi, ùi yaiquíye jipojīcai. Dinumure Lucas bácu quécu dajocabedejaquemavu Pablo bácu (4:11).

Pablo bácu toivaicōjenejaquemavu diyocare ùi coreóvayede maume jabova ne boarí jaruvaquimure. Parure ðaiyurejaquemavu Timoteo bácu ùi ùmei aru ðaicōjenejaquemavu aipe ðaiye jaurōre ù mácu (1:3-14, 2:1-13, 3:14-4:2, 5). Jári coreicōjenejaquemavu ù mácu apavu ne bueiye jáve àmene (1:15-18, 2:14-3:9, 4:3-4). Coyurejaquemavu aipe vaiye báquede ù mácu (3:10-13, 4:6-8, 14-18). Aru ðaicōjenejaquemavu Timoteo bácu Marcos bácu ùe yebai ùi cuveque (4:9-13, 21).

### Pablo ùi meaicōjeino Timoteore

(Hch 16.1; 1 Ti 1.2)

**1** <sup>1</sup>Yu, Pablo, toivaicōjeivu apecure iyoca paperayocare. Yábu Jesús ùi yávaiye méne beorí coyucōjeimaracacu. Jūmenijicui ùbi ji coyuiyede pōevare, ne majinajiyepere ayu ù cure ðacuyure caivu ina Jesúre ju aipōevare Jesucristoque járavu cūiméjáravu baquinóre. <sup>2</sup>Mu, Timoteo, yu meaicōjeivu mure, ji umure, jímacupe páyure. Majepacu Jūmenijicui, maje jabocu Jesucristomaque, mearo ðacajacurí mure bojecubeda ùi me boje. Aru cōmaje ñroje jájacurí mure. Aru torojurí cure ðajacurí mure cārijimecūva.

### Pablo ùi coyūino pōevare Cristorã

(Hch 16.1; 1 Ti 2.7)

<sup>3</sup>Yu torojuede jívu Jūmenijicure, ji memecaimure, “Boropatebevu yu”, ji arí ðápaiyeque, nópe jíñecūva mácavu máre ne ùre memecaiye báquedepeda. Ji jēnaiyedeca Jūmenijicūque járavure aru ñamine máre āgvu mure caipmua.

<sup>4</sup>Āgvu mi oiye báquede. Que baru uraró jáiyvu mure cojedeca, torojucuyu ji baju. <sup>5</sup>Āgvucu yu mi ju aiye báquede Jesúre jáve. Mamarumure míñeco Loida aru mipaco Eunice máre ju arejaima Jesúre. Aru jáve majivu yu mure máre ju ayure ùre.

<sup>6</sup>Que baru ārucōjeivu mure Jūmenijicui jíye báquede bojecubeda ji tuoiyede mure ji puruáque mi jipoburã, mi ðaquiyepe ayu yópe Jūmenijicui urōpe. <sup>7</sup>Aru Jūmenijicui daroibi majare ñai Espiritu Santore. Ù jidure ðabecube majare. Quénora parure ðaibi majare, maje ùmei memecarājiyepe ayu me Jūmenijicure. Ùre ðaibi majare Jūmenijicure aru pōevare máre. Aru majide ðaibi majare maje oaburí coreivu maje bajure coreóvaivuva me.

<sup>8</sup>Que baru cūyebjacu mu iye maje coyuiyede maje jabocu Jesucristorã. Aru cūyebjacu yure máre, buoimu cūcureca ùre boje. Quénora yávacari ñájuybecu àmevu ji coyuiye boje Jesús ùi yávaiye méne, mu máre ñájuybecu cūyebjacu

mi coyuiye boje Jesús ùi yávaiye méne. Napijacu mi ñájiyede Jūmenijicui paruéque. <sup>9</sup>Jūmenijicu meadaibi majare aru cutuibi majare máre, maje meara baju barájiyépe ayu. Òbenita die boje maja memecabevu úre. Quénora Jūmenijicu mearo ðacaibi majare bojecubeda nópe ùi ðaiyue boje. Javede ijáravu báquiye jipocai, Jūmenijicu majidejaquemavu meadacuyure majare Jesucristoi ðacaquiye boje. <sup>10</sup>Aru ñai meadaipóescu Jesucristo ùi daiye báquede ijáravui, Jūmenijicu jádovaimi ùi mearo ðacaiye bojecubeda majare. Jesucristo ámei vaibéde ðaibi majare maje yaijuroede. Que baru yaidé ðainore jidué jaubevu majare. Aru Jūmenijicu jádovaimi maje ju aiyede Jesús ùi yávaiye méne cūvarájiyure járavu cūiméjāravu baquinóre aru apebaju pojebebajure máre.

<sup>11</sup>Yúvacari Jūmenijicui epeimumu, soyucuyu Jesús ùi yávaiye méne aru buescuyu pōevare diede máre. Que baru Jesús ùi yávaiye méne beorí soyucōjeimumu yu. <sup>12</sup>Que baru ñájiyu yu caride buoimure. Òbenita cūyojarō cūbevu yure. Que baru coreóvaivu yu ñai Jesucristore, ji ju aimure. Aru jáve bíjaroicōjemescuyume ù iye ji memecaiye báquede úre cainumna. Que majivu yu jáve.

<sup>13</sup>Cainumna soyujacu mu iye yávaiyede jávene cūináturu ji soyuiyere mi jápaiye báquede. Ju ajacu Jesúre. Aru újacu Jūmenijicure, pōevare máre, mi cūe boje Jesucristo que cūinávure. <sup>14</sup>Jūmenijicu soyucōjeimi mure iye yávaiye méne, apevu ne oatavabenajiyere ayu diede. Ñai Espiritu Santo múque cūcu cadatecuyume mure, me mi soyuquiye ayu Jūmenijicui yávaiye méne.

<sup>15</sup>Mu coreóvaivu caivu ina Jesúre ju aipōeva Asia ámicurijoborōcavu javede ðajocavure yure, aru pūcarā nácavu ne ámiá Figelo aru Hermógenes máre. <sup>16-17</sup>Òbenita Onesíforocapūravu ùi edaiyede Roma ámicurímaroi, cūiná vore cuquemavu ñetubecava pu yure

earíta. Aru obedijāravua torojure ðáme yure, cūyojarō cure ðabecu ji cuede ne buoimure. Que baru cōmaje āroje jájacurí maje jabocu Jesucristo Onesíforo jivure. <sup>18</sup>Múvacari coreóvaivu me aipe Onesíforo ùi cadateye báquede urarō majare, cūrivu bācavure Éfeso ámicurímaroi. Que baru ánijāravu, Jūmenijicui ñájiyoaquiājavu baquinóre pōevare, ne ámeina teiye boje, cōmaje āroje jájacurí Onesíforore máre.

#### Jesucristoi churara meacu

(Mt 10.33; Lc 12.9; 1 P 5.1)

**2** <sup>1</sup>Mu, jímacureca páyu, parure ðajacu mi baju mi úmei Jesucristoi mearo ðacaiye boje mure bojecubeda. <sup>2</sup>Aru iye ji coyuiyede mi jápaiinoi obedivu pōeva ne jápaiyede bueicōjejacu mu úmava mearare, mi majimarare aru buení majidivure máre, ne buenajiyere ayu apevu pōevare máre.

<sup>3</sup>Napijacu yúpe ñuje ñájiyede Jesucristore boje yópe churara meacu ùi ñájiyede napiyere. <sup>4</sup>Ðajacu yópe churape. Ñai churara ðaibi yópe ùi jabocu, úre órejayu bācu, ùi urōpe. Que baru ù memecayūvacari ùi jabocure memecayurídubebi churara ámecure. Quédeca mu Jesúre memecayūvacari memecabejacu apescure mi jabocure. <sup>5</sup>Aru ðajacu yópe cūyayure. Nopedeca ñai yajuipóescu máre eabebi yo ùi yajuino bojede ména, ðabecu baru yópe yajuipōevare ne cōjeiyere. Quédeca mu ðayu baru yópe Jesucristoi ðaicōjeiyere, cūvacuyumu no bojede. <sup>6</sup>Aru ðajacu yópe jiore máre memeyure. Ñai memeyuresure íye jaavu caivu jipocamia die ùi oteiye báque jéinumure ù jie baquiye, ùi urarō memeyere báque boje. Quédeca mu memecayū baru Jesucristore ñetubecava, cūvacuyumu mi bojede. <sup>7</sup>Me dápijacu mu caiye ji coyuiyede. Mi me dápiaru diede, maje jabocu Jesús jápiarí eare ðacuyume mure caiyede.

<sup>8</sup>Arujacu mu ñai Jesucristore, Jūmenijicui nacovaimu mácure yainore jaruvarí aru ñai jabocu David

bácuí pāramecure máre. Ëi yávaiye méne coyuyubu yu pōevare. <sup>9</sup>Aru iye yávaiyede ji coyuiye boje nájivu yu. Carita arevu maucunarivubu yure buoiyeta tāumeaque yui āmeina teivure jēni jacoñami jívui āmeina dayure. Ëbenita ñame buojabecube buoyure dayu Jūmenijicui yávaiye méne. <sup>10</sup>Que baru napivu yu caiye iye nájiyede náre boje, ina Jūmenijicui beoimarare, Jesucristo ñi meadaquiyepe ayu náre máre, ne curājiyepe ayu éque ñi curō pueno mearo cavarōi cainmua.

<sup>11</sup>Jāvetamu iye.

Dabevu maja yópe maje ñaiye báquepe maje ju arājiye jipocare Jesúre. Que teni yaivu bácanvpebu maja Cristoque. Que baru curājaramu maja éque. <sup>12</sup>Aru napivubu maja maje nájiyede. Que baru jabotenajaramu maja éque. Ëbenita maje ju abedu ére, ñi máre ju abecuyume majare coapa. <sup>13</sup>Aru maje ju abedu ére, écapiravu ñacuyume majare yópe ñi aiye báquepedeca, ñacuyu ina ére ju abevure. Que baru ñi baju, “Que āmevu”, arī buojabebi ñi.

Jāvetamu die.

#### **Метепрѳесу меасу**

*(Jn 10.14; 1 Co 8.3)*

<sup>14</sup>Ārure ñare ñajacu mu ina bueipōevare iye ji coyuiyede mure. Coreóvare ñajacu náre Jūmenijicui jáinoi, ne jarabenajiyepere ayu ne baju aipe aiyurōre ne yávaicamuaque. Bueipōeva ne jaraiye boje, cūbejebu die. Quénora ne jaraiyeque āmedadama ina jápiaivure náre. <sup>15</sup>Méneca ñarī jájacu, cūcuyu Jūmenijicui jáinore ére memecayū ñi ju aimure. Que teni cūyebecubu mu mi bueie boje me Jūmenijicui yávaiyede. Aru buejacu pōevare yávaiyede jāvene.

<sup>16</sup>Ëbenita buebejacu iye ijāravuque coyuiyede pueðabede Jūmenijicure aru ārūmene máre. Ina nópe buevu pueno

āmenape baju nuivubu na. <sup>17</sup>Aru ne bueieyque āmeina ñaiyubu arevure nópe ñai ijimu pojeieyque pueno āmecu baju ñi nuieyepere. Pucarā nópe buedama, ne āmiá Himeneo aru Fileto máre.

<sup>18</sup>Ina ñajocadama ne ju aiye báquede iye yávaiyede jāvene. Borocurī, yópe arī, “Javeta Jūmenijicui nacovaquemavu pōevare yainore jaruvārī”, ñbenina arī coyuvubu na. Que teni cārijovaiyubu arevure, ne arājiyepere aivu, “Majibevu ñija aipe jaurōre ñuje ju aiyede”.

<sup>19</sup>Ëbenita ñame buojabema oatvavuvu iye Jūmenijicui yávaiyede jāvene. Que baru ñame buojabema bíjare ñaiyū Jūmenijicui ñaiyede. Jūmenijicui parure ñaiyi ñi pōevare ne ũmei. Aru jáðovaimi ñiye ñi toivaicōjeiey báquede ñi yávaiyede, yópe arī: “Maje jabocu Jesús majibi ñi jinare. Que baru caivu ina aivu, ‘Jesucristobe ji jabocu’, ñajocajarāri na ne āmeina teiyede”, arejaquemavu Jūmenijicui.

<sup>20</sup>Cūrami uradāmi jívure jororua ure cūvu. Apeñua úruque ñaiyū aru plataque ñaiyū máre, ñbenita apeñua jocūque ñaiyū aru joboque ñaiyū máre cūvu. Diduáre úruque, plataque máre, ñaiyū bojecuridua, ñai cūrami upacu epeicōjeñume ñi yebai curāñaiyū. Ëbenita diduáre jocūque aru joboque máre, ñaiyū bojecubedua, epeicōjeñume cūramicavure. <sup>21</sup>Que baru ñai pōecu ñajocayū baru ñi āmeina teiyede, memecacuyume me maje jabocure. Ëi mearo ñaiye boje, pōeva pueðarājarama maje jabocure, nopedeca diduá bojecuriduaque ñai cūrami upacu pueðaiyepere ñai ére jácūdayure. Que teni ñai Jūmenijicure memecayū me, coreibi ñacuyū caino memecaino mearore cainmua. <sup>22</sup>Que baru ñajecacu mu āmenore yópe arevu bojūvu ne ñaiyepere ne baju urōpe. Quénora mearo ñarī jájacu, ñacuyū mearore Jūmenijicui jáinoi cainmua, aru ju acuyū Jesús ñi yávaiye méne, cūcuyū Jūmenijicure aru pōevare máre, aru cārijimecuyū náque, ina jēniaivu maje jabocure, ñi caðatequiyepe ayu náre aru curivure ne ñapiaino mearoque máre.

<sup>23</sup>Jápiarī adabejacu mu apevu ne coyuiyede bojecubede aru arumene máre. Nácapūravu me coreóvabevubu. Ëbenita múcapūravu coreóvaivu pōeva yópe coyuvure, jararī búrājivure.

<sup>24</sup>Ëbenita nāi memecayu Jūmenijicure jaraiye jaubevu ũre apevuque. Quénora caivuque pōecu meacupe bajacārī. Aru buejacurī me. Napijacurī jarabecuva pōevaque máre. <sup>25</sup>Que teni buejacurī dūibareca pōecu meacupe ina maucvarivure Jūmenijicu yávaiye méne. Que daru, Jūmenijicu náre oatvare dacuyume ne dápiainore, ne ju arājiyepere ayu ũi yávaiyede jāvene. <sup>26</sup>Que teni nácapūravu dupini nujebu nāi abujuvai jabocure jocarī. Ëme náre jēnu mácu yópe doriñu jēiyepere moare. Ëi jujovaiye báque boje, cuvabi náre ámeina teivupe, náre dare dacuyu ũi urōpe.

**Aipe pōeva ne darājino  
buojaquijāravua baquiyéde**

**3** <sup>1</sup>Coreóvajacu mu iyede. Ānijāravua buojaquijāravua baquiyéde, Cristoi copaidaquijāravu baquinó jipocai, pōeva ámena maiyójare darājarama apevure. <sup>2</sup>Yópe darājarama na, ina ámena. Ne baju urājarama. Aru jecurājarama tāturare. Dápiarājarama ne baju mearape apevu pueno. Arājarama, “Mearamu nūja apevu pueno”. Aru ámeina yávarājarama. Juedova ju abenajarama nébucuvai coyuiyede. Jíbenajarama torojuede. Aru pueðabenajarama Jūmenijicure máre. <sup>3</sup>Jecubenajarama névure. Aru cōmaje āroje jámenajarama apevure. Yávarājarama borocuede apevui borore. Oarī corebenajarama ne baju ðaiyuede. Jijecurājarama. Aru ũbenajarama caino mearore máre. <sup>4</sup>Jēni jínajarama pōevare ne mavare. Aru ðarājarama arumevure. Dápiarājarama ne baju majidivure caiyede apevu pueno. Jūmenijicui urōpe ðabenajarama na. Aru cojubenajarama ũre. Quénora ðarājarama cojurājivu ne baju yópe ne baju urōpe. <sup>5</sup>Apevu pōeva ne jāiyede náre ðarājarama

yópe ina mearore jívū Jūmenijicure ðaiyepere. Ëbenita Jūmenijicure parure ðaicōjemenajarama ne ũmene ðarājivu yópe ũi urōpe.

Dupini nujacu mu nápe paivure jocarī. <sup>6</sup>Apevu nácvu dūibajieneca ecoicōjene ðaivubu náre apevu ne cūramiai, jujovarājivu nomiva arumevure. Ina nomiva, ne dápiaye ámeque ðaiye boje, ðaiyurivubu ámenore urarō. <sup>7</sup>Cainumua jápiaivubu obedivu pōeva ne bueiye mamaene. Ëbenita ye buojabema coreóvaivu áde yávaiyede jāvene. <sup>8</sup>Yópe ina yaviva bácvu ne ámiá Janes aru Jambres ne maucvave báquepe Moisés bácvure, nopedeca na máre, ina jujovaiyu nomivare, maucvarivubu iye yávaiyede jāvene. Dápiavubu ámenore cainumua. Aru Jūmenijicui jaruvaimaramu na, ne ju abe boje iye yávaiyede jāvene. <sup>9</sup>Ëbenita obedivu pōeva coreóvarājarama aipe ārojarivure náre. Járjarama náre arumevure, yópe ne jāiyepere ina pucarā Moisés bácvu mauva mácvupe paivure.

**Pablo ũi cōjeino yóvocarō baju  
Timoteore**

*(Hch 13.14-52, 14.1-20)*

<sup>10-11</sup>Ëbenita múcapūravu coreóvaivu aipe ji bueiye báquede, aru ji ðaiye báquede, ji ðaiyue báquede, ji ju aiye báquede Jūmenijicure, ji napiye báquede, ji ũe báquede pōevare, aru ji nājiye báquede máre. Mu coreóvaivu aipe ina Antioquía, Iconio, aru Listra ámicurīmaroacavu ne nājine ðaiye báquede yure. Ne nājine ðaiyedeca yure, cainumua napinejacacu yu. Aru maje jabocu Jesucristovacari meadarejame yure cainumua. <sup>12</sup>Jāve caivu ina meara maiyurivu Jūmenijicui jáinoi curivu Jesucristoque cūinávure nājinajarama na. <sup>13</sup>Ëbenita ina pōeva ámena aru ina jujovaiyu máre pueno ámena nurajarama na. Jujovarājarama apevure. Aru náre máre jujovarājarama pueno baju.

<sup>14</sup>Ëbenita múcapūravu ðajocabejacu mi ju aiyede caiye iye mi bueiye

báquede. Majivu mũ jáve diede. Que baru mũ coreóvaivu ina mũre bueivu b́acavure iye ýavaiyede jávene. <sup>15</sup>Aru mũ coreóvaivu juedocu ćareja, caride máre, majicure iye J́umenijicui toivaicójeiye báquede ùi ýavaiyede, mi majiquiyepe ayu J́umenijicu meadacuyure mũre, mi ju aiye boje Jesucristore. <sup>16</sup>Caiye iye J́umenijicui ýavaiyede évacari toivare ðarejaquemavu ina úre toivacavũ b́acavure. Que baru ùi ýavaiye bojecavũ majare, maje buenajiyeye aiye iye ýavaiyede jávene, aru maje coreóvarájiyeye aiye maje ámeina teiyede, aru maje oatvarájiyeye aiye maje ðaiyede, aru maje majinajiyeye aiye aipe ðaiye jauřore, curájivu meara J́umenijicui jáinore. <sup>17</sup>Ñai J́umenijicure memecayube nópe ðarĩ me majini, napini coreyu, ðacuyũ caiye méne.

**4** <sup>1</sup>Caride majepacu J́umenijicu, maje jabocu Jesucristomaque, jápiaibi iye ji coyuiyede mũre. Jesucristo copaidacuyũme ij́aravũ. Nájine ðacuyũme ṕeva apurivure aru yaivu b́acavure máre, ne ámeina teiye boje. Aru jabotecuyũme caivu ṕevare. Que baru parurórecu ðaicójeivu yũ mũre yópe ji coyuiyeye. <sup>2</sup>Coyujacu Jesús ùi ýavaiye méne ṕevare. Me jári coreni buejacu náre cainũna, ne jápiaiyuru aru ne jápiaiyubedu máre. Coyujacu mũ ṕevare aipe ne ámeina teiyede. Aru dajocaicójejacu náre diede. Buejacu aipe ðaiye jauřore náre máre. Aru buejacu napiyeque. <sup>3</sup>Eaquiye bu arejáravua ámej́aravua. Ánj́aravua baquiyéde ṕeva jápiabenajarama bueiye méne. Quénora ne baju urópe vorájarama obedivu bueiṕevare, ne buenajiyeye aivu náre yópe ne baju jápiaiyere, ne ðarájiyeye aivu ámeina teiyede yópe ne baju urópe. <sup>4</sup>Que teni jápiabenajarama iye bueiyede jávene. Ubenita jápiarájarama néñecuva mácvũ coyuiye báquede. <sup>5</sup>Aru parurórecu ðaicójeivu yũ mũre cojedeca. Mácapuravu ðaicójejacu me mi baju, coreóvayure cainũna. Napijacu mi

ñájiyede. Aru coyujacu Jesús ùi ýavaiye méne ṕevare máre. Que teni mi memecaiyede maje jabocu Jesucristore ðajacu caiyede yópe mũre ðaiye jauřore.

<sup>6</sup>Aru ýacapuravu joabejinotamu ji yaiquino. Maumena yure boarĩ jaruv́arájarama, ji memecaiye boje Jesucristore. <sup>7</sup>Iye Jesús ùi ýavaiye méne coyuiyede coyuvũ yũ oabecuvacari. Que teni ðaivu yũ yópe ñai cúyayũ arevũque ùi cúyaiyeye oabecuvacari. Aru iye J́umenijicui urópe ðaiyede ðaivu yũ oabecuvacari. Que baru buojaivu yũ yópe ñai cúyayũ arevũque ùi cúyarĩ buojaiyeye turuvaita. Aru iye maje ju aiyede Jesucristore dajocabevũ yũ. Quénora ju aivu yũ úre cainũna. <sup>8</sup>Que baru yópe ñai cúyayũ ùi jacoruiyepedeca ùi cúyaiye bojede eayũ arevũ jipocai, yure máre jícuyũme maje jabocu Jesucristo ùi daquij́aravu baquinóre, ji mearo ðaiye báque boje. Aru yũ cúnácura ámevũ, quénora jícuyũme caivu ina úre urivu napini coreivure ùi daquij́aravu baquinóre.

**Pablo ùi ðaicójeino Timoteore**

(Hch 12.12, 25, 13.13, 15.37-39, 20.4, 6; Ro 2.6; 2 Co 8.23; Gđ 2.3; Ef 6.21-22; Col 4.7-8, 10, 14; Tit 1.4, 20; Flm 24)

<sup>9</sup>Caride meatejacu, jácdacuyũ maumena ji yebai. <sup>10</sup>Áñũ Demas dajocame yure ùi ne boje ij́aravũquede aru nuamedu Tesalónica ámicurĩmaroi. Crescente nuamedu Galacia ámicurijoborói. Aru Tito máre nuamedu Dalmacia ámicurijoborói. <sup>11</sup>Ñai Lucas quécũrabe cũc yáque caride. Vorĩ davajacu mũque Marcure, ùi coreóvaiye boje cadateiyede ji memeinore. <sup>12</sup>Jarocacu yũ Tíquicore Éfeso ámicurĩmaroi. <sup>13</sup>Mũ dayũ, davacajacu yure ji puenocacaje cuitótecajede, ji dajocaino mácaróre Troas ámicurĩmaroi, Carpoi cũrami. Aru davacajacu ji paperatucuboare aru ji toivaiyocare máre. Uvũ yũ iye toivaiyocare pueno baju.

<sup>14</sup>Ñai Alejandro, táure memepóescu, ðarejame uraró ámeno yure. Maje

jabocu Jesucristo ñájjine ðacuyume ére ñi nópe ðaiye báque boje. <sup>15</sup>Que teni mávacari máre me jájacu ére, ñi maucuvae boje parurõreca maje yávaiye méne.

<sup>16</sup>Mamarumure ji nuiye báquede jabova ne ámeina teivure jëniari jáiñami, coyucuy ji ðaiye báquede ne boro coyurí adaiye báque boje yure, põescu cubeteame yóvayü yure. Quénora caivü dajocaima yure. Jëniaivü Jümenijicuque ñi árumetequiyere ayü yo ne ámeno ðaino mácarõre yure. <sup>17</sup>Ûbenita maje jabocu Jesucristo caðateame yure aru parure ðáme yure, ji coyüquiyere ayü caiye iye ñi yávaiye méne. Aru cainoa joborõacavü nore curivü bácvü jápiaima diede. Que teni maje jabocu Jesucristo meaðame yure urarõ ámenore jaruvãrî, yópe jëni íyere põescure yavide jocarî. <sup>18</sup>Que baru jáve coreóvaivü yu maje jabocu Jesucristo meaðacuyure yure cainumua. Aru cure

ðacuyume yure ñi meaðaimure ñi jaboteinumure cavarõ mearo ñi curõi. Que baru mearore jínajarevü éreca cainumua, jáðovarajivü ére meacu bajure. Quédecabu.

**Pablo ñi meaicõjeino Timoteojäre**

*(Hch 18.2, 18, 19.22, 20.4, 21, 29; Ro 16.23; 2 Ti 1.16-17)*

<sup>19</sup>Meajarari Prisca, aru Aquila, aru caivü ina Onesíforo ñi cüramicavü máre. <sup>20</sup>Ñai Erasto mauteamedá Corinto ámicuríimaroí. Aru ñai Trófimo ijimure dajocacacu Mileto ámicuríimaroí. <sup>21</sup>Me ðarî jájacu, dacuyü ji yebai uracoro jipocamia. Eubulo, Pudente, Lino, Claudia, aru caivü apevü Jesúre ju aipõeva meaicõjeðama mure.

<sup>22</sup>Maje jabocu Jesucristovacari cüjacurî máque. Aru Jümenijicu mearo ðacajacurî caivü mujare bojecubeda ñi me boje. Quénoramü.